

DE CONIECTURIS IN IURE CANONICO

DIVISIO TRACTATUS

- I. Introductio.
- II. Difficultas tractatus;
- III. Notio.
- IV. Divisio.
- V. Ratio recurrendi in i. c. ad praesumptiones, coniecturas, indicia.
- VI. De coniecturis in sua applicatione:
 - 1) Iure Decretalium; 2) in Iurisprudentia S. Rotae Romanae.
 - a) in Collectione "Recentiores"; b) in S. R. Romana instaurata a Pio X;
 - 3) in Resolutionibus S. C. Concilii.

I. INTRODUCTIO

Codex j. c. loquitur in canonibus 1023 § 2; 1286; 1825 § 1 de *coniectura*; in canonibus 973 § 1; 1825 § 1; 1828; 2208 § 1 est sermo de "*conicere*". Unde mirandum est, quod "Dictionnaire de Droit canonique", vol. IV (condition — Droits acquis) simpliciter transit hunc terminum technicum; Moersdorf, die Rechtssprache des C. I. C. disserit in quarta Sectione de terminis technicis in materia processuali, quin commemoret terminum "*coniectura, conicere*". Idem dic de FALCO, Introduzione allo Studio del "Codex Iuris Canonici"; de STRUTZ, "der Geist des Codex iuris canonici". Pro iure ante Codicem vigente confer OJETTI, Synopsis ed. alt. (1904); deest vox "*coniectura*".

Quibus ex rationibus modestus tractatus de "*coniecturis in iure canonico*" iustificatus esse videtur.

II. DIFFICULTATES HUIUS TRACTATUS

1) C. I. C. clare distinguit inter *coniecturam*, *indicium*¹, *praesumptionem*², quin tamen pro termino "*coniectura, indicium*" subministret definitionem legalem, prout pro termino "*praesumptio*" (can. 1825 § 1).

¹ can. 1019 § 2; 1353; 1757 § 3 n. 2; 1758; 1791 § 2, 1833; 1907; 1946; 2059.

² can. 63 § 2; 1764 § 5; 1825; 1826; 1827; 1904; 1972; lib. IV. C. I. C. tit. X. de probationibus continet proprium caput (VI) de praesumptionibus; accedunt termini "*praesumitur, praesumuntur, praesumatur*"; qui termini continent praesumptionem iuris; cf. Lauer, Index verborum C. I. C. (1941) sub verbis supra indicatis.